

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 760 del 24/03/2026

De vrong barn meing kemmen vourstellt van mitta as de 25 van merz finz zamitto va de 30 van oberel 2026

S ist u'ganommen kemmen der bando ver de regiar va de bait birtshaiser en Palai en Bersntol

[Mòcheno] De provinzaljunta, unter en vourtschbinn van assessor asn turismus Roberto Failoni, bail en sitz van vourder vraità hòt der òllgamoà'bando u'ganommen ver za tschernen der koordinator van nèt看 va de bait birtshaiser va de Gamoa' va Palai en Bersntol. De naiekait ist drinn en projekt "De kròft va de minderhait: bideraugea' van a dorf as taitsha burtzn hòt unter en de Alpn", zuazolt van PNRR - Mission 1, Investiment 2.1 "Schea'nekait van derver", as en lòn 20 milionen gèlt gem hòt. "Pet en doi bando - unterstraicht der Failoni - ber mòchen an konkret tritt keing en pau van an nain model va unterkunft, as guat ist za gem bèrt en de identitet va Palai en Bersntol ont van gònze Bersntol. De bait birtshaiser ist an bichtegen kail ver za gea' keing en vortgea' van lait ont ver za gem naia moglechkaitn, asou za leing en nèt看 de pahalter van haiser, va de kultur ont va de lokal gamoa'schòft. Ber belln paun an autentik, kompetitiv ont pahòltlegen turistesn vurm, asou za mòchen kemmen de pasuacher bail en gònze jor ont za trong en lòn guata sòchen ver a lònka zait".

Pet en doi mosnemm de Provinz versterchert der ring va bideraugea' en de kultur, en zòmlem ont en de birtschòft van lòn, asou za gem bèrt en de ausònder sprochen ont en de kultur va de gamoa'schòft. Der bando keart um en de schlisslòrbetn van projekt, pet en rif za richten aus ont gem bèrt en de hittn ont en de gschichtlegen haiser as hait nèt praucht kemmen, asou za paun an integriartn ont bèrtlegen turismus as guat ist za versterchern de schea'nekait van lòn ont van gònze Bersntol. Ber as de òrbet kriang bart, bart reklam mòchen ont regiarn de nain hittn, ont bart anslisslpunkt sai' ver en lokal turistesn nèt看 ont bart hèlven za stelln vour s lòn avn mòrk en an oa'negen ont kompetitiven vurm. Der bart derzua a baita òrbet va turistesn marketing tea', as guat ist za pintn zòm de birtshaiseròrbet pet sèll as men vinnt en plòtz bou as men geat. En doi kontest bart s moglech sai' aupaun integriartn dinstn ont lempackler, asou za gem bèrt en de ausònderkaitn van lòn ont va de lokal gamoa'schòft. De pahalter as kemmen vernaiert gèltsgott en de òllgamoà'paitrong barn kemmen galeik en de bait birtshaiser sistem ver mindestn zeichen jor, asou za meings nutz en de zait ont meing gem a stabilitet en de turistikopfer.

Der bando bart en a kurza zait galeik kemmen as de istituzional internetsait va de Autonome Provinz va Tea't ont de vrong barn meing kemmen vourstellt van mitta as de 25 van merz finz zamitto va de 30 van oberel 2026. S barn kemmen tschèrlt de vrong durch an òllgamoas'prozedur, de barn kemmen tschatzt van a kommission as vour hòt technische ont birtschòft kritern.

Ibersetz gamòcht van Sprochtirl va de Tolgamoas'schòft Hoa Valzegu' ont Bersntol

(cdt)